

14  
1911  
No



門  
號 1911  
卷 110



陽明先生平濠書

飛報寧王謀反疏

十四年六月初五日節該欽奉勅福州三衛軍人進貴等  
協衆謀反特命爾暫去彼處地方會同查議處置奏定奪欽  
此欽遵臣於本月初九日自贛州啟行至本月十五日行五豐  
城縣地名黃土腦據該縣知縣等官顧必等稟稱本月十四日  
寧府稱亂將孫都御史許副使并都司等官殺死巡按及三司  
府縣大小官員不從者俱被執縛不知存亡各衙門即信盡數  
敗去庫或搬搶一空見監重囚俱行釋放舟楫蔽江而下聲言

平濠書

卷之九

早編 大學 圖書館  
照 36. 7. 5 號  
藏 書

直取南京一面分兵北上各官皆來溫臣不宜輕進其時臣尙  
未信然逃亂之民果已四散奔潰人情洶洶臣亦自顧單旅危  
廷勢難復進方爾回程隨有兵卒千餘已夾江並進前來追臣  
偶遇北風大作臣亦張疑設計整舟安行兵不敢追幸而獲免  
本月十八日回至吉安府據知府伍文定等稟稱地方無主乞  
聞暫回區畫遠近軍民亦皆遮擁呼號隨據臨江府并新淦豐  
城奉新等縣各差人飛報寧府差兵四出攻掠拘收印信及拿  
掌印官員調取兵快水兌糧船盡被驅脇而去等因臣奉前旨  
欲遂徑往福建但天下之事莫急於君父之難若彼順流東下

萬一南都失備爲彼所襲彼將乘勝北趨旬月之間必且搖動  
京輔如此則勝負之算未有所歸此誠天下安危之大機慮念  
及此痛心寒骨義不忍舍之而去故遂入城撫慰軍民督同知  
府等官伍文定等調集兵糧號召義勇又約會致仕卿官右副  
都御史王懋中養病評事羅僑等與之定謀設策收合渙散之  
心作起忠義之氣相機乘間務爲躡後之圖共成掎角之勢摩  
其舉動而使進不得前搗其巢穴而快退無所據日望天兵之  
速至庶解東南之倒懸伏望皇上宥愆咎已命將出師因難興  
邦未必非此臣以弱劣多病屢疏乞休況此地方之責本亦非

臣之任今茲扶病赴閩實亦意圖便道歸省臨發之前已具哀  
懇齋奏之人去纔數日適當君父之急不忍坐失此事機姑復  
暫留期紓國難候區畫少定各官略可展布朝廷命將一臨亦  
遂遵照前旨入閩了事就彼歸省父疾進不避嫌退不避罪惟  
民是保而利於王臣之心也直行其報國之誠而忘其緩命之  
罪求伸其哀痛之情而甘冒棄職之誅臣之罪也竊照都御史  
王懋中評事羅倫忠義自許才識練達知府伍文定果捷能斷  
忠勇有謀累立戰功皆抑而不賞久淹外郡實屈而未伸今江  
西閩省見無一官若待他求緩無所及乞遂將各官掇以聚要

職任庶可責之拯溺救焚其餘若裁革兵備副使羅循養病副  
使羅欽德郎中曾直御史周魯同知郭祥鵬省親進士郭持平  
驛丞李中王思等雖皆本土之人咸秉忠貞之節况亦見在同  
事當多難之日事宜從權庶克有濟再照寧府逆謀旣著彼若  
北趨不遂必將還取兩浙南擾湖湘窺胥都以斷南北收閩以  
益軍資若不卽爲控制急遣重兵必將噬臍無及及照撫州府  
知府陳槐臨江府知府戴德孺贛州府知府邢珣袁州府知府  
徐璉寧都縣知縣王天與豐城縣知縣顧泌新淦縣知縣李美  
奉新縣知縣劉守緒泰和縣知縣李指南安府同知朱憲贛州

府同知夏克義龍泉縣知縣陳允諧及闔省各官今見在者乞  
勅吏部就於其中推補本省方面知府兵備等官庶可速令供  
職其有城守之責者亦各量陞職銜重其權勢使可展布又照  
南贛軍餉惟資鹽商諸稅近因戶部奏單僱募之兵無所仰給  
悉已散遣今未兩月卽遭此變復欲召募將倚何資輒復遵依  
勅旨便宜事理仍舊舉行然亦緩不及濟必須先於兩廣積儲  
軍餉數內量借一十餘萬庶幾軍衆可集地方有賴國難可平  
緣係飛報地方謀反重情事理爲此具本專差舍人來儀親齎  
謹題請旨

再報謀反事

節該欽奉勅福州三衛云緣係飛報地方謀反重情事理爲  
此具本先於本月十九日專差舍人來儀奏報外但叛黨方盛  
恐中途爲所攔截合再具本專差舍人任光親齎謹題請旨

奏聞宸濠偽造檄榜疏

正德十四年七月初一日據吉安府知府伍文定申准領哨通判楊昉千戶蕭英在於墨潭地方捉獲寧府齎檄榜官趙承芳等二十員名解送到臣看得檄榜妄言惑眾譏訕主上當卽毀裂又以事合聞奏隨卽固封以進審據趙承芳供係南昌府學教授六月十三日寧府生日次日各官謝宴突起反謀殺死孫都御史許副使囚死黃參議馬主事其餘大小職官脅從不遂者俱被監禁追奪印信放囚劫庫邀截兌米分遣遺寇四散剽掠聲言要取南京就往北京十六日親出城外迎取安福縣舉

人劉養正十七日迎取致仕都御史李士實同入府內號稱軍師太師名目二十一日將原禁各官放回各司差人看守二十日令承芳并叅政李敷代齋僞檄榜文赴豐城吉安贛州南安并王都御史及廣東南雄等處俱各不寫正德年號止稱大明已卯歲比承芳不合怕死及因妻子被拘旗校管押只得依聽齋至墨池地方蒙本院防哨官兵將承芳等拿獲隨審李敷俱係先任南安府知府近陞廣西叅政裝帶家小由水路赴任行至省城適遇寧王生日傳命慶賀次口隨眾謝宴變起倉卒俱被監禁比敷自分死國因妻女在船寫書令妻要死夫女俱

死母後因看守愈嚴求死不遂至二十一日放回本船懼死良久方甦二十二日又將妻女拘執急呼敷進府將前僞檄榜差旗校十二人督押敷與承芳代齋敷計欲投赴軍門脫身報効不期官兵執送前來等因案照先爲飛報地方謀反重情事已經二次差人具奏去後今審據前因叅照寧王不守藩服敢此稱亂脾魄神器指斥乘輿擅殺大臣放囚劫庫稔不韙之罪犯無將之誅致仕都御史李士實恩遇四朝實託心膂舉人劉養正舊假恬退之名新叨錄用之典今皆反面事讐爲之出謀發慮旣同徇篋之行難道斧鉞之誅叅政李敷教授趙承芳義未

平漢書 卷之九 六  
決於舍生令已承於捧檄但暴虐之威恐動於中鷹犬之徒鈴  
判於外在法固所當罪據情亦有所憫除將趙承芳季敬監禁  
一面檄召兵民隨機應變竭力討賊一應事宜陸續奏聞處置  
外臣聞多難興邦殷憂啟聖陛下在位一十四年屢經變難民  
心騷動尙爾巡遊不已致宗室謀動干戈冀竊大寶且今天下  
之覬覦豈特一寧王天下之奸雄豈特在宗室言念及此凜骨  
寒心昔漢武帝有輪臺之悔而天下向治唐德宗下奉天之詔  
而士民感泣伏望皇上痛自刻責易轍改絃罷出奸諛以回天  
下豪傑之心絕迹巡遊以杜天下奸雄之望定立國本勵精求

治則太平尙有可圖羣臣不勝幸甚爲此其本并將偽檄一紙  
封固專差舍人秦沛親齎謹題請旨



咨兩廣總制都御史楊共勤國難

節該欽奉勅福州三衛軍人進貴等脅眾謀反特命爾暫去彼處地方會同查議處置奏定奪欽此欽遵於六月初九日自贛啟行於本月十五日行至豐城縣地名黃土陂據知縣顧似等稟稱本月十四日率府將巡撫孫都御史許副使等官殺死巡按及三司府縣大小官員不從者俱被執縛各衙門印信盡數收去庫藏搬搶一空聲言直取南京一面分兵北上各官競阻本職不宜輕進本職目顧單旅危途勢難復進方爾回程隨有兵卒千餘已夾江竝進來追偶遇北風大作本職亦張疑設

平漢書 卷之九  
計整舟安行兵不敢逼幸而獲免本月十八日回至吉安府據  
知府伍文定等稟稱地方無主乞雷暫爲區畫遠近居民亦皆  
遮擁呼號隨又據臨江府并新淦豐城奉新等縣各差人飛報  
寧府遣兵四出攻掠拘收印信等因本職奉有前旨欲遂委嶺  
南道兵備僉事王大用監統給與各兵行糧不分兩夜兼程前  
來共勤國難諒貴院素秉忠孝之節久負剛大之氣聞此必將  
奮袂而起秉鉞長驅當在郭汾陽之先肯居祖士遠之後哉紛  
擾之中莫罄懇切惟高明速圖之

寬恤禁約

照得江西省城近遭變亂各府州縣兵戈騷動供億勞費兼值  
天時亢旱秋成無望人民窘迫言之痛心中間恐有無賴之徒  
乘機竊發驚擾地方理合寬恤禁約但巡撫衙門見今缺官本  
院駐軍境內不容坐視合就權宜處置通行爲此除一面奏聞  
外仰抄案回府照依案驗內事理并行所屬各縣官員務須軫  
念地方痛恤民隱凡一應不急詞訟工役俱各停止其軍前合  
用兵夫糧草各官俱要持廉秉公親自編派毋得因而科擾及  
聽信下人受財作弊仍嚴加曉諭軍民人等務要各守本分安

居田里不許扇惑搬移妄生事端大戶毋逼債負小民毋激仇  
嫌鄉落居民各自會推家道殷實行止端莊二人充爲約長二  
人副之將各人戶編定排甲自相巡警保守各勉忠義共勤國  
難敢有抗違生事驚擾地方者就便拿解赴官治以軍法約長  
若有乘機侵害衆戶及受財不舉許被害之人告發重治仍仰  
各縣將前項寬恤禁約事宜翻刻告示發仰鄉村張掛曉諭俟  
巡撫官員到日再行議處俱無違錯  
用兵之際奸民易於煽亂此示必不可少

策應豐城牌

據豐城縣知縣顧必稟稱本縣起調鄉兵固守城池惟恐兵力  
不敷必須請兵策應庶保無虞等因看係地方重務已經調發  
龍泉安福永新等縣并吉安千戶所機快軍兵陸續前去策應  
照得發去官兵必須選委謀勇膽略官員統領庶幾調度得官  
爲此仰通判楊昉卽將後開軍兵名數督同千戶蕭英監統協  
同知縣顧必等計議攻守方略相度險夷要害遠斥堠以防奸  
勤訓練以齊衆探知賊人入境卽便設奇布伏以逸待勞擊其  
不意務在先發制人毋令乘間抵隙軍兵人等務要嚴爲約束

毋令侵擾敢有違犯退縮許以軍法從事各官尤要同心并力  
協和行事共効忠貞之節以紓國家之難如或執拗參錯觀望  
逗遛違犯節制致有疎虞軍令具存決難輕貸

以豐城要地故特與策應兵法所謂交地吾將謹其守者此  
頌是也

撫安百姓告示

示仰遠近城郭鄉村軍民人等近日倡亂之徒土逆天道下失  
人心本院駐軍於此已有定計勤王之師四而已集仰各安居  
樂業無得驚疑敢有擅自搬移因而扇惑擾攘者地方里甲人  
等綁赴軍門治以軍法其有忠義豪傑能獻計效力願從義師  
擊反叛者俱赴軍門投見

案行南安等十二府及奉新等縣募兵策應

切照叛逆天下之大惡討賊天下之大義國家優禮藩封恩德  
隆重乃敢輒萌異圖以干憲辟上逆天道下犯衆怒滅亡之期  
計日可待本院職在雖非專責危難安忍坐視伏願伐逆鼓率  
忠義豪傑四起發謀協力除行吉安等府縣起調兵快防守地  
方及行廣東福建湖廣等處各調兵策應外照得本省所屬各  
府州縣衛所見今巡撫都布按等衙門俱各缺官事無統束擬  
合通行爲此仰抄案回府卽行所屬縣分并衛所衙門各起調  
官軍鄉兵固守城池保障地方仍一而分調兵快散布關隘嚴

加把截一面選募驍勇精兵大縣約四五千名小縣約二三千名以上各備鋒利器械供給糧草擇委能幹勇力官員管領操練其各項錢糧費用聽將在官錢糧動支隨申本院查考其濱江去處多備船隻聽候本院差官齎捧旗牌至日卽刻依期啟行進攻仍選差慣硬人役多方探聽消息不時飛報以憑區畫此係守土官員切責而臣子効忠致身正在今日各宜奮發義氣鼓動軍民共成滅賊之功以輸報國之念毋得遲違觀望致誤軍機自取罪戾

調取吉水縣八九等都民兵牌

訪得吉水縣八九等都民人王益題曾思温易弘爵王昭隆等各戶下人丁素習武勇人多尙義前任知縣周廣曾經起調征進皆係驍勇慣戰之人今茲逆黨倡亂民遭荼毒應合調取以赴國難爲此訪差致仕縣丞龍光齋脾前去吉水縣着落當該官吏卽將各戶義兵照數調集各備鋒利器械編成行伍僉選百長總小甲管領就仰該縣查支官錢給與口糧暫且就屯本縣操演武藝聽候本院指日東下隨軍進勦照得江西一省人民久被寧府毒害侵肌削骨破家蕩產冤困已極控訴無門今

其惡貫滿盈天假義兵爲民除暴尙聞愚昧之徒阻避寧府威  
勢不敢舉動殊不知寧府未叛之前尙爲親王人不敢犯今逆  
謀旣著卽係反賊人人得而誅之復何所憚爾等義民正宜感  
激忠義振揚威武爲百姓報讐泄憤共立不世之勳以收勤士  
之績毋得稽遲觀望自取軍法重究差去官員不許假此擾害  
妄生事端體訪得出罪不輕貸

預備水戰牌

案照已經行仰起調軍馬前來策應日久尙未見到近據探報  
逆黨南下將攻南都計此時南都必已有備各逆黨進無所獲  
必退保九江如此則水戰之具爲急不可不備爲此牌仰福建  
布政司卽行選募海滄打手一萬名動支官庫不拘何項銀兩  
從厚給與衣裝行糧各備鋒利器械就仰左布政使席書兵備  
僉事周期雍統領星夜前赴軍門相機前進并力擒勦仍行巡  
撫等衙門同心協力後先監督應援此係叛逆謀危宗社天下  
荼毒所關呼吸存亡日暮成敗間不容髮非比尋常賊情不得

逗遛觀望有虧臣節嗚呼主憂臣辱主辱臣死凡有血氣孰無  
是心況各官忠義自任剛大素聞必將奮臂疾驅有不容已兵  
快及領兵人等敢有犯違節制有誤軍機者仰卽遵照本院欽  
奉勅諭事理許以軍法從事毋得姑息

咨都察院都御史顏權宜進勅

節該欽奉云云除具題及咨南京兵部知會外爲照前項事情  
係國家大難安危所關已經起調吉安等府兵快前去征勅并  
備行湖廣廣東福建各調兵策應外照得南畿係朝廷根本重  
地今寧王謀逆構亂舉兵北行圖據南都必得四面合攻庶克  
有濟及照貴院奉命行勘前事卽今逆跡已露別無可勘事情  
合咨前去煩爲隨處行令所屬選取驍勇精兵及民間忠義約  
二三萬名選委謀勇官員分領會約鄰近省郡合勢刻期進討  
仍煩貴院親督兼程前來共勤國難諒貴院平日忠義存心剛



平漢書 卷之九  
直自許況今奉命查勘寧藩正可權宜行事號召遠邇王憂臣  
辱主辱臣死他復何言紛擾之中莫罄懇切惟高明速圖之

告示在城官兵

照得寧王造謀作亂神人共憤法所必誅在城宗支郡王儀賓  
皆被逼脅如鍾寧王無罪削爵建安王父子俱死軍民人等或  
覆宗滅族或蕩家傾產或勒取子女皆恨入骨髓敢怒而不敢  
言今日之事豈其本心本院仰仗朝廷威靈調集兩廣并本省  
狼達漢土官兵二十餘萬即日臨城亦無非因民之怨唯首惡  
是問告示至日宗支郡王儀賓各閉門自保商賈買賣如故軍  
民棄甲投戈各歸生理無得驚疑該府內臣校尉把守人員開  
門出首或反兵助順擒斬首惡一體奏聞陞賞其有好懷稔惡

從逆不悛者必殺不赦凡我良善軍民即便去惡從善毋陷族  
滅故示

預行南京各衙門勤王咨

為照前事係天下非常之變宗社安危之機雖今備行江西吉  
安等府及湖廣福建廣東等處調集軍兵合勢征勦外但彼聲  
言欲遂順流東下竊據南都看得長江天險南北之限留都根  
本咽喉所關雖以朝廷威德人心効順逆謀斷無有成但其譎  
奸陰圖已非一日兼聞潛伏奸細於京城期為內應萬一預備  
無素為彼所掩震驚遠邇噬臍何及為此合咨貴部煩為通行  
在京及大小衙門會謀集議作急繕完城守簡練舟師設伏沿  
江以防不虞之襲傳檄傍郡以張必討之威先發操江之兵聲

平漢書 卷之九  
義而西約會湖湘互為犄角本職亦祇鈍策駕牽躡其後以義  
取暴以直加曲不過兩月之間斷然一鼓可縛惟高明速圖之

牌行吉安府敦請鄉士夫共守城池

照得寧府反叛本院調兵進剿即日啟行各府縣掌印正官既  
該統兵前進所據各該府縣城池雖已行委各佐二官防守但  
難危之際事變不測必須歷練老成之人相與維持鎮定庶幾  
人心不致驚疑政務有所倚賴為此案行吉安府官吏通行各  
縣署印官員徑自以禮敦請老成鄉宦眾所推服者一二員在  
城以備緊急協同行事該府城池關係尤重查得致仕按察使  
劉遜素有才望忠義奮激就仰該府請至公館仍仰署印官待  
以賓師之禮托以咨決之事一應軍機事宜各稟計議而行以

安人心以濟大事仍行本官務以國家大難爲心盡心竭力共圖殄賊毋以休致自嫌諒朝廷報功之典富亦自不相負如誤大事咎亦有歸通無違錯

與當道書

江省之變大略具奏內此人逆謀已非一日久而未發蓋其心懷兩圖是以遲疑未決抑亦慮生之躡其後也近聞生將赴閩必經其地已視生爲几上肉矣顧朝廷之威靈諸老先生之德庇竟獲脫身虎口所恨兵力寡弱不能有爲爾南贛舊嘗屯兵四千朝有警而夕可發近爲戶部必欲奏革商稅糧餉無所取給故遂放散未三月而有此變復欲召集非數月不能亦且空然無資矣世事之相撓阻每每如此亦何望乎今亦一面號召忠義取調各縣機快且先遣疲弱之卒張布聲勢於豐城諸處

平定書 卷之九  
牽躡其後天奪其魄彼果遲疑而未進若再留半月南都必已  
有備彼一離巢穴生將奮搗其虛使之進不得前退無所據勤  
王之師又四面漸集必成擒矣此生臆料若此切望諸老先生  
急賜議處速遣能將將重兵聲罪而南以絕其北窺之望飛召  
各省急興勤王之師此人兇殘忌刻世所未有使其得志天下  
無遺類矣諒在廟堂必有成算區區愚誠亦不敢不竭盡生病  
疲尫僅存餘息近者入閩已具本乞休必不得已且容歸省不  
意復遭此變本非生之責任但闔省無一官見在人情渙散洵  
洵震搖使無一人牽制其間彼得安意順流而下萬一南都無

備將必失守彼又分兵四掠十三郡之民素怯於積威必向風  
而靡如此則湖湘閩浙皆不能保及事聞朝廷大兵南下彼之  
奸計漸成破之難矣以是遂忍死暫留於此徒以空言收拾散  
亡感激忠義日望命帥之來生得以與疾還越死且瞑目伏惟  
諸老先生鑒其血誠必賜保全勿遂竭其力所不能窮其智所  
不及以爲出身任事者之戒幸甚幸甚

以兩廣總督都御史楊停止調集狼兵

案照本院看得前項事情係國家大難存亡所關雖調各府兵快非惟武藝無素尤恐兵力不敷卽隨備咨欽差總督右都御史楊煥爲選取驍勇兵快大約三五千名就委嶺南道兵備僉事王大用監統給與各兵行糧兼程前來共勤國難及行廣東布政司轉行各道并呈鎮守撫按等衙門一體查照知會去後節據知縣顧佖等報寧王已下南京留有逆黨內官驅脅官民人等一萬餘員名固守城池阻絕往來等情隨該本院催督所調兵快分布哨道親自統領刻期於七月二十日寅時直抵省

城進攻仍被逆黨砌塞城門分兵固拒當幸官兵用命奮勇攻  
破城門各賊遂皆奔潰隨卽分兵搜擒外今照前項事情見該  
欽命京邊官軍二十餘萬前來會勦及本院見統官兵五萬餘  
員名俱在江西省城卽今分遣委官監督前去約會併勢追襲  
所據原調廣東土漢狼兵人等未審會否齊集但今南贛吉安  
南昌等處沿江人民俱各畏懼狼兵悉皆驚惶及又訪得狼達  
上兵曾受寧王贓物私許助謀効力今調各兵本以爲國除害  
惟恐返爲民害不無有悞大事擬合停止爲此合行移咨貴院  
煩爲查照希將起調兵快停留本省應用施行

督責知府伍文定等同心勦賊牌

切照天下之事成於同而敗於異本院選調吉安贛州臨江袁  
州等府衛所軍民兵快委各該文武等官知府伍文定邢珣等  
統領分立哨分授以方略令其併力進勦互相策應今訪得各  
官各持己見自爲異同累有事機可乘坐視輒致違錯本當拏  
罪治以軍法但以用人之際姑且容恕及照逆賊歸授聲息已  
遍慮恐各官仍蹈覆轍臨期或致僨事擬合申飭通行爲此牌  
仰本官卽便督率原領軍兵在於見駐劄處所務要遵依方略  
與各哨領兵官同心而行誓竭井力進死之志毋爲觀望苟生

之謀敢有仍前人懷一心互有異同以致悞事定行罪坐所由  
斷依軍法斬首的不食言先具不致異同重甘結狀并不違依  
淮隨牌繳來

行知縣劉守緒等襲勦墳廠牌

為照本院親督諸軍刻期於本月二十日進攻南昌府省城以  
破逆黨巢穴探得逆黨先會伏兵三千於老墳廠新墳廠諸處  
以為省城應援若不先行密為撲勦誠恐攻城之日或從間道  
拖襲我師未免亦為牽制為此牌仰奉新縣知縣劉守緒請安  
縣知縣萬士賢各統精兵三千密於西山地界約會刻期分哨  
設伏運奇並力夾勦各官務要詳察險易相度機宜不得爾先  
我後力散勢分致有疎失仍一面差人爪探聲息飛報軍門擒  
斬功次審驗解院轉發紀錄照例具奏陞賞兵快人等敢有臨



陣縮退者許照本院欽奉勅諭事理就以軍法從事各官務竭忠貞以勤國難苟或觀望逗遛違誤事機軍令具存罪亦難逭後克復省城此舉極為得力填厥之兵既敗則省城自搖動兵法所謂三軍可奪氣者此類是也

示諭江西布按三司從逆官員

照得寧王倬逆天道造謀作亂殺戮大臣都布按三司官員各悚於暴虐保其妻子以致臨難之際不能自擇或僞首幽囚或甘心降伏貪生畏死反面事仇春秋之義詳嚴於無將之誅而志圖興復者尚不忍於峻絕據得各官見今在城閉門自訟者有之臨城巡聞者有之出入府庫運籌策者有之此皆大義未分孤立無助梃之法堅固不容誅推之人情實為可憫即今本院統集狼達漢土官軍二十餘萬後先臨城各官果能去逆歸順尚可轉禍為福故今特遣牌諭兵臨之日仰各開門出首

仍一面將本院賫去告示給散張掛撫諭良善百姓宗支儀賓  
人等各閉門自保毋輕出街市橫遭殺戮該府把守內臣校尉  
人等亦各諭以大義俾知背逆向順尚可免死投甲釋戈蓬頭  
面縛候本院臨審定奪敢有從惡不悛執迷不悟拒敵官兵者  
必殺無赦仍具改正緣由親齎投首以憑施行毋得違違自取  
族滅牌具依准繳來

告示七門從逆軍民

督府示諭省城七門內外軍民雜役人等除身犯黨逆不赦另  
議外其原被寧府迫脅偽授指揮千百戶校尉護衛及南昌前  
衛一應從亂雜色人役家屬在省城者仰各安居樂業毋得逃  
竄有能寄聲父兄子弟改過遷善擒獲首惡詣軍門報捷者一  
體論功給賞逃回報首者免其本罪仍仰各地方將前項人役  
一名名赴各該管門官處開報令各親屬一名每五日一次打  
卯其有收藏軍器許盡數送官各宜悔過毋取流亡

牌行各哨統兵官進攻屯守

仰一哨統兵官吉安府知府伍文定卽統部下官軍兵快四千四百二十一員名進攻廣潤門就留兵防守本門直入布政司屯兵分兵把守王府內門

仰二哨統兵官贛州府知府邢珣卽統部下官軍兵快三千二百三十餘員名進攻順化門就留兵防守本門直入鎮守府屯兵

仰三哨統兵官袁州府知府徐璉卽統部下官軍兵快三千五百三十員名進攻惠民門就留兵防守本門直入按察司察院

屯兵

仰四哨統兵官臨江府知府戴德儒卽統部下官軍兵快新喻二縣三千六百七十五員名進攻永和門就留兵防守本門直入都察院提學分司屯兵

仰五哨統兵官瑞州府通判胡堯元童琦卽統部下官軍兵快四千員名進攻章江門就留兵防守本門直入南昌府衛屯兵仰六哨統兵官泰和縣知縣李楫卽統部下官軍兵快三千四百九十二員名夾攻廣潤門直入王府西門屯兵守把

仰七哨統兵官新淦縣知縣李美卽統部下官軍兵快二千員

名進攻德勝門就留兵防守本門直入王府東門屯兵守把

仰中軍營統兵官贛州衛都指揮余恩卽統部下官軍兵快四千六百七十員名進攻進賢門直入都司屯兵

仰八哨統兵官寧都知縣王天與卽統部下官軍兵快一千餘員名夾攻進賢門留兵防守本門直入鐘樓下屯兵

仰九哨統兵官吉安府通判談備卽統部下官軍兵快一千五百七十六員名夾攻德勝門直入南昌左衛屯兵

仰十哨統兵官萬安縣知縣王冕卽統部下官軍兵快一千二百五十七員名夾攻進賢門就守把本門直入陽春書院屯兵

仰十一哨統兵官吉安府推官王暉卽統部下官軍兵快一千餘員名夾攻順化門直入南新二縣儒學屯兵  
仰十二哨統兵官撫州府通判鄒琥知縣傅南喬卽統部下官兵三千餘員名夾攻德勝門就留兵防守本門隨於城外天寧寺屯兵  
承委官員務要竭忠奮勇擒勦叛逆以靖國難如或退縮觀望違犯節制定以軍法論處軍兵人等敢有臨陣退縮者就仰本官遵照本院欽奉勅諭事理就於軍前斬首示衆牌候事完日  
啟

江西捷音疏

照得先因寧王圖危宗社與兵作亂已經具奏請兵征勦外隨看得寧王陰謀不軌已將十年畜養死士二萬餘人招誘四方盜賊渠魁亦以萬數舉事之日復驅其護衛黨與并脅從之徒又六七萬人虐焰張熾臣以百數疲弱之卒勢不敢輕舉驟進乃退保吉安姑爲牽制之圖時遠近軍民怯於寧王之積威道路以目莫敢出聲臣一面督率吉安府知府伍文定等調集軍民兵快召募四方報効義勇之士會計一應解留錢糧支給糧賞造作軍器戰船奏留公差回任監察御史謝源伍希儒分職

任事一面約會該府鄉官先任右副都御史致仕王懋中養病  
痊可編修鄒守益刑部郎中曾直評事羅儒丁憂監察御史張  
鰲山先任浙江僉事今赴部調用劉藍依親進士郭持平軍門  
叅謀驛丞王思李中先任福建按察使致仕劉遜先任叅政致  
仕黃繡先任嘉興府知府閒住劉昭等相與激發忠義譬喻禍  
福移檄遠近布朝廷之深仁暴寧王之罪惡於是豪傑響應人  
如思奮區畫旬日官兵稍稍四集時寧王聲言先取南京臣慮  
南京尙未有備恐一時爲彼所襲乃先張疑兵於豐城示以欲  
攻之勢故寧王先遣兵出攻南康九江諸處而自留居省城以

禦臣至是七月初二日授知臣等兵尙未集乃留兵萬餘屬其  
心腹宗支邵王儀賓內官并偽授都督都指揮等官使守江西  
省城而自引兵向闕臣晝夜促各郡兵期以本月十五日會臨  
江之樟樹而身督知府伍文定等兵徑下於是知府戴德備引  
兵自臨江來知府徐璉引兵自袁州來知府邢珣引兵自贛州  
來通判胡堯元童琦引兵自瑞州來通判談備推官王暉徐文  
英新淦知縣李美泰和知縣李楫寧都知縣王天與萬安知縣  
王冕亦各以其兵來赴十八日遂至豐城分布哨道使知府伍  
文定爲一哨攻廣潤門入知府邢珣爲二哨攻順化門入知府

徐璉攻惠民門入知府戴德儒攻永和門入通判胡堯元童琦  
攻章江門入知縣李美攻德勝門入都指揮余恩攻進賢門入  
通判談儲推官王暉知縣李揖王天與王冕等各以其兵乘七  
門之釁傷夾攻擊以佐其勢是日得謀報寧王伏兵千餘於新  
舊墳厰以備省城之援臣乃遣奉新知縣劉守緒典史徐誠領  
兵四百從間道夜襲破之以搖城中十九日發市汙臣乃大誓  
各軍申布朝廷之威再暴寧王之惡約諸將一鼓而附城再鼓  
而登三鼓而不克誅伍四鼓而不克斬將已誓莫不切齒痛心  
踴躍激憤薄暮齊發二十日黎明各至信地先是城中爲備甚

嚴滾木灰瓶火炮石弩機毒之械無不畢具及臣所遣兵已破  
新舊墳厰賊憤之卒皆奔告城中城中已驚懼至是復聞我師  
四面驟集皆震駭奪氣我師乘其動搖呼譟並進梯縋而登城  
中之兵士崩瓦解皆倒戈退奔城遂破擒其居守宜春王拱極  
及僞太監萬銳等千有餘人寧王宮中眷屬聞變縱火自焚延  
及居民房屋臣當令各官分道救火撫定居民散釋舊從封府  
庫謹關防搜獲原被劫收大小衙門印信九十六顆三司舊從  
官布政使胡謙參政劉斐參議許效廉副使唐錦僉事賴鳳都  
指揮王圯皆自首設罪除將擒斬功次發洵史訪源伍希儒權

令審驗紀錄一應事宜查審明白陸續具奏及一面分兵四路追躡寧王向往相機擒勒另行奏報外竊照寧王逆焰薰天衆號一十八萬屠城破郡遠近震懾今其猖獗已一月有餘而四方赴難之師尚未有一人應者前項領哨各官及監軍御史本土養病丁憂致仕等官皆從臣起於顯沛危急之際并心協謀倡率義勇陷陣先登以克破此堅城據其巢穴此其臣子職分當然亦其激切痛憤之本心但當此物情睽貳動搖之日非賞罰無以鼓士氣今逆賊殺人如草芥又挾其厚貨賞賚所及一人動以千萬伏願皇上處變從權速將前項各官量加陞賞以

勵遠近事勢難爲之日覆宗滅族之禍臣且不避況敢避邀賞之嫌乎緣係捷音事理爲此具本專差千戶詹明親齎謹具題知

脾行江西二司安葬寧府宮眷



照得寧正造反稱兵向闕行委偽官萬銳等把守省城音信不  
迎本院所行告示負固不納以致討賊安民之義俱未知悉及  
至統兵攻城該府宮眷一聞銃砲震響閉門繼死燒焚宮室雖  
寧王背逆罪在不赦而朝廷悼睦之仁何所不至本院已同宗  
文并原任布按二司及吉安等府知府等官伍文定等親赴該  
府驗看未焚庫藏已封號訖所據各宮眷身屍相應埋葬爲此  
合行案仰布按二司即便啟知建安王選委各郡王府老成內  
使火者三四員會同南昌府南新一縣官措置棺木以禮安葬  
毋得違肅不便

牌行撫州府知府陳槐等收復南康九江

照得寧王謀反與兵向闕南康九江見被攻破分留逆黨據守  
二府城池意圖西扼湖兵之應援兩邊我師之追躡仰賴宗社  
威靈克復省城除遣知府伍文定等分布哨道邀擊寧賊務在  
得獲外所據逆黨占據府縣應合分兵勦復爲此牌仰知府陳  
槐等各選精兵身自統領星夜前出南康九江地方相機行事  
務要攻復城池平靖反側仍將地方人民加意賑恤激以忠義  
撫以寬仁權舉有司之職以理庶事查處倉庫之積以足軍資  
一面分兵邀誘寧賊毋令東下并差人爪探飛報軍門各官務

要同心併力協和行事毋得人懷一心彼此參錯致悞軍機兵  
快人等敢有違犯節制者仰照本院欽奉勅諭事理以軍法從  
事一應事機呈稟往復慮有稽緩俱聽一面從宜區畫一面呈  
報軍門仍備查各官棄城逃走致賊焚掠屠戮之故具錄申報  
以憑忝拏究治

南康九江於湖廣爲咽喉於南京長江爲上游此兩府旣取  
則收復之大勢定矣

請止親征疏

正德十四年八月十六日准兵部咨該本部等衙門題內開南  
京守備叅贊官連奏十分緊急軍情相應急爲議處合無請命  
將官一員掛平賊將軍印克總兵官關領符驗旗牌挑選各營  
精銳官軍三千餘名各給賞賜銀兩布疋交免正馱馬匹關納  
軍火器械上緊前去南京相機賊守再有的報就便會合各路  
人馬征進再請勅都御史王守仁選調堪用官軍民快親自督  
領於江西東南要路住劄把截相機行事仍委浙江布政司左  
叅政閻楷選募處州民兵統領定擬住劄地方聽調策應勦捕

再請勅一道齎付都御史王守仁不妨提督軍務原任兼巡撫江西地方前項所報軍情如果南京守備差人體勘再有的報聽前項領軍官出給榜文告示徧發江西地方張掛傳說曉諭但有能聚集義兵擒殺叛逆賊犯者量其功蹟大小封拜侯伯及陞授都指揮千百戶等官世襲賊夥內有能自相擒斬首官者與免本罪具奏定奪等因具題節該奉聖旨這江西寧王謀爲不法事情重大你部裏旣會官議處停當朕當親率大師奉天征討不必命將王守仁暫且准行欽此欽遵備咨到臣案查先爲飛報地方謀反重情事屬首寧王宸濠殺害守臣舉兵謀

逆臣於六月十九日具本奏聞之後調集軍兵擇委官屬激勵士氣振揚武勇七月二十日先攻省城墟其巢穴本月二十四等日兵至鄱陽湖與賊連日大戰至二十六日宸濠遂已就擒謀黨李士賓等賊首凌十一等俱已擒獲賊從俱已掃蕩閩廣赴調兵士俱已散還地方驚擾之民俱已撫帖臣一念忠憤誓不與賊俱生而迂疎薄劣之才實亦何能辨此是皆祖宗在天之靈我皇上聖武之懋昭本兵謀略之素定官屬協力士卒用命所致臣已節次具本奏報外竊惟宸濠擅作辟威虐焰已張於遠睥睨神器陰謀久蓄於中招納叛亡輦轂之動靜探無遺

跡廣致姦細臣下之奏白百無一通發謀之始逆料大駕必將親征先於沿途伏有奸黨期爲博浪荆軻之謀今逆不旋踵遂已成擒法宜解赴闕門式昭天討然欲付之部下各官押解誠恐舊所潛布之徒尙有存者乘隙竊發或致意外之虞臣死且有遺憾况平賊獻俘固國家之常典亦臣子之職分臣謹於九月十一日親自量帶官軍將宸濠并逆賊情重人犯督解赴闕外緣因獻俘誠以昭聖武事理爲此具本專差舍人金昇親齎謹具題知

### 犒賞福建官軍

據福建按察司整飭兵備兼管分巡漳南道僉事周期雍呈稱依奉本院案驗起取上杭等處軍兵共五千餘名分委指揮劉欽知縣邢暄等及起取漳州府海滄打手三千餘名行委通判李一寧等管領本道躬親統督先後啟行前來等因到院案照先爲飛報地方謀反重情事看係國家大難存亡所關隨即備咨南京兵部及巡撫兩廣湖廣等衙門并福建三同等官選取驍勇兵快選委謀勇官員監統兼程前來共勤國難去後今據前因看得逆賊已經成擒餘黨悉漸殄滅除將各該官兵先行

平漢書 卷之九  
發回外竊照福建漳南相距江西省城約計程途有一千七八  
百里之遙該道乃能不滿旬月調集官軍兵快八千員名之衆  
首先各省而至足見木官勇略多謀預備有素忠義之誠足以  
感激人心敏捷之才足以綜理庶務故一呼而集兼程赴難除  
另行旌獎外及照調來官兵衝冒炎暑遠赴國難忠義既有可  
嘉勞苦尤爲足憫合加犒賞以勵將來爲此除將支出官銀差  
官領齎該道仰抄案回司卽將原調領兵官員并軍兵鄉夫人  
等酌量犒賞用見本院獎勞之心以爲將來忠勤之勸仍仰該  
道備查各兵原係操練者照舊在班操練以備緊急調用添募

者着令回還田里各安生業務爲良善之民共享太平之福毋  
得分外爲非致招身家之累備行巡按衙門知會

雖未經用猶加犒賞則軍士無不悅心而周期雍之功勞又  
且不忘於事後數年之久此所以賞罰明信而人人力於事  
功也

擒獲宸濠捷音疏

照得先因寧王圖危宗社與兵作亂已經具奏請兵征剿外隨  
看得寧王虐焰張熾臣以百數疲弱之卒未敢輕舉驟進乃退  
保吉安姑爲牽制之圖時遠近軍民怯於寧王之積威道路以  
目莫敢出聲臣一面督率吉安府知府伍文定等調集軍民兵  
快召募四方報効義勇之士奏留監察御史謝源伍希儒分職  
任事一面約會該府鄉官都御史王懋中編修鄒守益郎中曾  
直評事羅僑監察御史張鰲山僉事劉藍進十郭持平叅謀驛  
丞王思李中按察使劉遜叅政黃繡知府劉昭等相與激發忠

義移檄遠近布朝廷之深仁暴寧王之罪惡於是豪傑響應人始思奮時寧王聲言先取南京臣慮南京尚未有備恐爲所襲乃先張疑兵於豐城示以欲攻之勢故寧王先遣兵出攻南康九江而自留居省城以禦臣至七月初二日探知臣等兵尚未集乃留兵萬餘使守江西省城而自引兵向闕臣晝夜促兵期以本月十五日會臨江之樟樹而身督知府伍文定等兵徑下於是知府戴德儒徐璉邢珣通判胡堯元童琦談備推官王暉徐文英知縣李美李楫王天與王冕各以其兵來赴十八日遂至豐城分哨道使知府伍文定等進攻廣潤等七門是日得謀

報寧王伏兵千餘於新舊墳廠以援省城臣乃遣奉新知縣劉守緒等從間道夜襲破之以搖城中十九日發市汭大營各軍中布朝廷之威再暴寧王之惡莫不切齒痛心踴躍激憤薄暮齊發二十日黎明各至汛地先是城中爲備甚嚴滾木灰瓶火砲機械無不畢具臣所遣兵已破新舊墳廠敗潰之卒皆奔告城中城中皆已驚懼至是復聞我師四面驟集益震駭奪氣我師乘其動搖呼譟並進梯緇而登城中之兵皆倒戈退奔城遂破擒其居守宜春王拱揆及僞太監萬銳等千有餘人寧王宮中眷屬聞變縱火自焚延各居民房屋臣當令各官分道救火

五溪書 卷之九  
散釋脇從封府庫謹關防以撫軍民除將擒斬功次發御史謝源伍希儒權令審驗紀錄及一面分兵四路追躡寧王向往相機擒勦於本月二十二日已經具題外當於本日據諜報及據安慶逃回被虜船戶十餘人報稱寧王於十六日攻圍安慶未下自督兵夫運土填塹期在必尅是日有守城軍門官差人來報贛州王都堂已引兵至豐城城中軍民震駭乞作急分兵歸援寧王聞之大恐卽欲回舟因太師李士實等阻勸以爲必須徑往南京旣登大寶則江西自服寧王不應次日遂解安慶之圍移兵泊阮子江會議先遣兵二萬歸援江西寧王亦自後督

兵隨來等因先是臣等駐兵豐城衆議安慶被圍宜引兵隨趨安慶臣以九江南康皆已爲賊所據而南昌城中數萬之衆精悍亦且萬餘食貨充積我兵若抵安慶賊必回兵死關安慶之兵僅僅自守必不能援我於湖中南昌之兵絕我糧道而九江南康之賊合勢撓躡四方之援又不可望事難圖矣今我師驟集先聲所加城中必已震懾因而并力急攻其勢必下已破南昌賊先破膽奪氣失其根本勢必歸救如此則安慶之圍自解而寧王亦可以坐擒矣至是得報果如臣等所料當臣督同領兵知府會集監軍及倡義各鄉官等議所以禦之之策衆多以



寧王兵勢衆盛氣焰所及有如燎毛今四方之援尚未有一人至者彼憑其憤怒悉衆并力而萃於我勢必不支且宜斂兵入城堅壁自守以待四鄰之援然後徐圖進止臣以寧王兵力雖強軍鋒雖銳然其所過徒恃焚掠屠戮之慘以威劫遠近未嘗逢大敵與之奇正相角所以鼓動扇惑其下者全以進取封爵之利爲說今出未旬月而輒退歸士心旣已携沮我若先出銳卒乘其情歸要迎掩擊一挫其鋒衆將不戰自潰所謂先人有奪人之氣攻瑕則堅者瑕也是日撫州府知府陳槐兵亦至於是遣知府伍文定邢珣徐璉戴德孺

分道並進

擊具不意又遣都指揮余恩以兵四百往來湖土以誘致賊兵知府陳槐通判胡堯元童琦談備推官王暉徐文英知縣李美李楫王冕王軾劉守緒劉源清等使各領兵百餘四面張疑設伏候伍文定等兵交然後四起合擊分布旣定臣乃大賑城中軍民慮宗室郡王將軍或爲內應生變親慰諭之以安其心又出給告示凡脇從皆不問雖嘗受賊官爵能逃歸者皆免死斬賊徒歸降者給賞使內外居民及鄉道人等四路傳播以解散其黨二十三日復得諜報寧王先鋒已至樵舍風帆蔽江前後數十里不能計其數臣乃分督各兵乘夜趨進使伍文定以正

兵當其前余恩繼其後邢珣引兵繞出賊背徐璉戴德孺張兩翼以分其勢二十四日早賊兵鼓譟乘風而前逼黃家渡其氣驕甚伍文定余恩之兵佯北以致之賊爭進趨利前後不相及邢珣之兵從後橫擊直貫其中賊敗走文定恩督兵乘之璉德孺合勢夾攻四而伏兵亦呼譟竝起賊不知所爲遂大潰追奔十餘里擒斬二千餘級落水死者以萬數賊氣大沮引兵進保八字腦賊衆稍遁散寧王震懼乃身自激勵將士賞其當先者以千金被傷者八百兩使人盡發九江南康守城之兵以益師是日建昌知府曾璵引兵亦至臣以九江不破則湖兵終不

敢越九江以援我南康不復則我兵亦不能踰南康以躡賊乃遣知府陳槐領兵四百合饒州知府林瑛之兵乘間以攻九江知府曾璵領兵四百合廣信知府周朝佐之兵乘間以取南康二十五日賊復并力盛氣挑戰時風勢不便我兵少却死者數十人臣急令人斬取先却者頭知府伍文定等立於銃砲之間火燎其鬚不敢退奮督各兵殊死竝進砲及寧王舟寧王退走遂大敗擒斬二千餘級溺水死者不計其數賊復退保樵舍連舟爲方陣盡出其金銀以賞士臣乃夜督伍文定等爲火攻之具邢珣擊其左徐璉戴德孺出其右余恩等各官分兵四伏期

平濠書 卷之九  
火發而合二十六日寧王方朝羣臣拘集所執三司各官責其  
間以不致死力坐觀成敗者將引出斬之爭論未決而我兵已  
奮擊四面而集火及寧王副舟衆遂奔散寧王與妃嬪泣別妃  
嬪宮人皆赴水死我兵遂執寧王并其世子郡王將軍儀賓及  
僞太師國師元帥參贊尚書都督都指揮千百戶等官李士實  
劉養正劉吉眉欽王綸熊瓊盧珩羅璜丁饋王春吳十三凌十  
一秦榮葛江劉勳何鏗王信吳國士火信等數百餘人被執脇  
從官太監王宏御史王金主事金山按察司楊璋僉事王疇潘  
鵬參政程杲布政梁辰都指揮郝文馬驥日昂等擒斬賊黨三

千餘級落水死者約三萬餘棄其衣甲器仗財物與浮戶積聚  
橫亘若洲焉於是餘賊數百艘四散逃潰臣復遣各官分路追  
勦毋令逸入他境爲患二十七日及之於樵舍大破之又破之  
於吳城擒斬復千餘級落水死者殆盡二十八日得知府陳槐  
等報亦各與賊戰於沿湖諸處擒斬各千餘級臣等旣擒寧王  
而入闔城內外軍民聚觀者以數萬歡呼之聲震動天地莫不  
舉首加額眞若解倒懸之苦而出於水火之中也除將寧王并  
其世子郡王將軍儀賓僞授太師國師元帥都督都指揮等官  
各另監羈候解被執脇從等官并各宗室別行議奏及將擒斬

俘獲功次一萬一十有奇發御史蒯源伍希儒暫令審驗紀錄  
另行造冊繳報外照得臣節該欽奉勅諭但有盜賊生發即便  
嚴督各該兵備守備守巡并各軍衛有司設法調兵剿殺其管  
領兵快人等官員不問文職武職若在軍前違期并逗遛退縮  
者俱聽以軍法從事生擒盜賊鞫問明白亦聽就行斬首示衆  
斬獲賊級行令各該兵備守巡守備官即時紀驗明白備行江  
西按察司造冊繳報查照事例陞賞激勸欽此及准兵部題稱  
今後但草賊生發事情緊急該管官司即便依律調撥官軍乘  
機剿捕應合會捕者亦就調發策應等因節奉欽依備咨前來


又節該奉勅如或江西別府報有賊情緊急移文至日爾亦要  
及時遣兵策應毋得違誤欽此俱經欽遵外竊照寧王烝淫奸  
暴腥穢彰聞賊殺善類剝害細民數其罪惡世所未有不軌之  
謀已踰一紀積威所劫遠被四方士夫雖在千里之外皆閉目  
搖手莫敢論其是非小人雖在幽僻之中且吞聲飲恨不敢訴  
其冤抑兼又招納叛亡誘致劇賊渠魁如吳十三凌十一之屬  
牽引數千餘衆召募四方武藝驍勇力能拔樹排關者亦萬有  
餘徒又使其黨王春等分齎金銀數萬陰置奸徒於滄州淮揚  
山東河南之間亦各數千輩其起事之日從其護衛姻族連其

黨與朋私驅脅商旅軍民分遣其官屬親暱使各募兵從行者數千少者數百帆檣蔽江衆號一十八萬其從之東下者實亦不下八九萬餘且又矯稱密旨以脅制遠近僞傳檄諭以搖惑人心故其舉兵倡亂一月有餘而四方震懾畏避皆謂其大事已定莫敢抗義由身與之爭衡從事抱節者僅堅城而自守忠憤者唯集兵以俟時非知謀忠義之不足其氣焰使然也臣以孱弱多病之所了不逮於凡庸知每失之迂繆當茲大變輒敢冒非其任以行旅百數之卒起事於顛沛危疑之中旬月之間遂能克復堅城俘擒元惡以萬餘烏合之兵而破強寇十萬

之象是固上天之陰騭宗社之默佑陛下之威靈而廟廊謀議諸臣消禍於將萌而預爲之處見機於未動而潛爲之制改臣提督使得扼制上流而凜然有虎豹在山之威申明律例使人自爲戰而翕然有臂指相使之形勅臣以及時策應不限以地而隱然有常山首尾之勢故臣得以不俟詔旨之下而調集數郡之兵數郡之民亦不待詔旨之督而自有以赴國家之難長驅越境直搗窮迫不以非任爲嫌是乃伏至險於無形之中藏不測於常制之外人徒見雙奚之多獲而不知王良之善御有以致之也然則今日之舉廟廊諸臣預謀早計之功其又孰得

而先之乎及照御史謝源伍希備監軍督哨謀畫居多倡勇宣  
威勞苦備嘗領哨知府伍文定邢珣徐璉戴德孺陳槐曾瑛林  
瑛周朝佐署都指揮僉事余恩分哨通判胡堯元童琦談備推  
官王暉徐文英知縣字楫李美王冕王就劉源清劉守緒傅南  
橋隨哨通判楊昉陳且指揮麻璽高睿孟俊知縣張淮應恩王  
庭顧化萬士賢馬津等雖效績輸能亦有等例然皆首從義師  
爭赴國難協謀并力共收全功其間若伍文定邢珣徐璉戴德  
孺等冒險衝鋒功烈尤懋鄉官都御史王懋中編修鄒守益都  
御史張鰲山郎中曾直評事羅僑僉事劉藍進士郭持平驛丞

王思李中按察使劉遜叅政黃繡知府劉昭等仗義興兵協張  
威武運籌贊畫夾輔折衝以上各官功勞雖在尋常征勦亦已  
甚爲難得況當震恐搖惑四方知勇莫敵一嬰其鋒而各官激  
烈忠憤捐身殉國乃能若此伏願皇上論功朝錫之餘普加爵  
賞旌擢以勸天下之忠義以勵將來之懦怯仍詔示天下使知  
奸雄若寧王者蓄其不軌之謀已十有餘年而發之旬月輒就  
擒滅于以見天命之有在神器之不可窺以定天下之志尤願  
皇上罷息巡幸建立國本端拱勵精以承宗社之洪休以絕奸  
雄之覬覦則天下幸甚臣等幸甚



書佛郎機遺事

佛郎機地名在南海其人善為大砲人赤鬚名紅夷今中國倣其製謂之紅衣

云砲

見素林公聞寧濠之變卽夜使人覓錫為佛郎機銃并抄火藥方手書勉子竭忠討賊時六月毒暑人多道暈死公遣兩僕裹糧從間道冒暑晝夜行三千餘里以遺子至則濠已就擒七日子發書為之感激涕下蓋濠之擒已七月二十六距其始事六月十四僅月有十九日耳世之君子當其在能不畏難巧避者鮮矣況已致其事而能急國患踰其家如公者乎蓋公之忠誠根於天性故老而彌篤身退而憂愈深節愈勵嗚呼是豈可以

聲音笑貌爲哉嘗欲列其事于朝願非公之心也爲作佛郎機私詠君子之同聲者將不能已於言耳矣公嘗言蓋公之佛郎機佛郎機誰所爲截取比于賜褻以鴟夷皮葺弘之血釁不足唯陽之怒恨有遺老臣忠憤寄所洩震驚百里賊膽披徒請尚方劍空聞魯陽揮投公笏板不在茲佛郎機誰所爲正德戊寅之冬福建按察僉事周期雍以公事抵贛時逆濠奸謀日稔遠近洶洶于思預爲之備而濠黨伺覘左右搖手動足朝聞暮達以期雍官吳省當非濠所計及因屏左右語之故遂與定議期雍歸卽陰募驍勇具械束裝部勒以俟子

檄晨到而期雍夕發故當濠之變外援之兵惟期雍先至適當見素公書至之日距濠始事亦僅月有十九日耳初予嘗使門人冀元亨者因講學說濠以君臣大義或格其奸濠不懌已而滋怒遣人陰購害之冀辭予曰濠必反先生宜早計遂遁歸至是聞變知予必起兵卽日潛行赴難亦適以是日至見素公在莆陽周官士杭輩在常德去南昌各三子餘里乃皆同日而至事若有不偶然者輒附錄於此

奇事



開報征藩功次賊仗咨

准欽差整理兵馬糧草等項兵部左侍郎兼都察院左僉都御史王咨內開煩爲查照將征勦防守有功官軍人等俱照功次分別明白造冊咨送以憑查議等因卷查先爲飛報地方謀叛重情事本職奉命前往福建公幹中途遭遇寧府反叛謀危宗社係國家大難義不容舍之而往當卽保吉安隨具本奏聞及星夜行文各府起調兵快招募四方報效義勇適遇巡按兩廣御史謝源伍希儒回京復命又行具本奏留軍前協謀行事各哨官兵俱聽監督獲有功次俱憑本職送發各官審驗紀錄去

後續督官兵前後攻復省城俘執宸濠并其黨與劇賊起解聞  
隨准南京兵部咨開稱前事云照得江西逆賊既已擒獲逆  
黨已經翦平所獲功次合行紀驗除原差科道官前來外煩將  
征勦逆賊官軍民兵召募義勇及鄉官人等所獲功次分別奇  
功頭功次功造冊覆驗等因案經備行江西按察司查照施行  
去後今准前因看得征勦宸濠之時止是分布哨道設伏運謀  
以攻城破敵爲重擒斬賊徒爲輕且攻城破敵雖係本職督領  
各哨官兵協謀併力緣任非一人事非一日各官俱係同功一  
體難以分別等第其擒斬賊徒雖有等級自有下手兵夫難以

加於各官之上止將各哨擒斬賊犯送發御史謝源伍希儒審  
驗明白從實直紀錄各官不曾奉有紀功之命但照本職欽奉  
勅諭便宜事理從權審驗紀錄難以分別奇功頭功等項  
名目止於造冊內開寫某人擒斬其賊首某賊從重輕多寡據  
實造冊中間等第亦自可見除行各官再行查照造冊徑繳外  
所據擒獲功次總數及官軍兵快報效人等員名數目合行開  
造咨報施

計開

一提督領兵官一員

欽差提督南贛汀漳等處軍務都察院右副都御史王

一協謀討賊審驗功次官二員

欽差巡按兩廣監察御史謝源 伍希儒

一領哨官十員

衝鋒破敵

吉安府知府伍文定 贛州府知府邢珣 袁州府知

府徐埏 臨江府知府戴德孺

邀伏截殺

贛州衛署都指揮僉事余恩 撫州府知府陳槐 建

昌府知府曾璵 饒州知府林城 廣信府知府周朝

佐 瑞州府通判胡堯元

分哨官十一員

邀伏截殺

吉安府泰和縣知縣李楫 臨江府新淦縣知縣李美

吉安府萬安縣知縣王冕 南康府安義縣知縣王軾

瑞州府通判童琦

守把截殺

吉安府通判談儲 吉安府推官王暉 南昌府進賢

縣知縣劉源清 南昌府奉新縣知縣劉守緒 南昌

府推官徐文英 撫州府臨川縣知縣傅南喬

隨哨官四十六員

邀伏截殺

吉安府通判楊昉 吉安府守禦千戶所指揮同知麻

璽 贛州府同知夏克義 贛州衛指揮僉事孟俊

永新守禦千戶所指揮同知高睿 南昌府通判陳旦

南昌府豐城縣知縣顧必 袁州府推官陳輅 南昌

府寧州知州汪憲 饒州府餘干縣知縣馬津 瑞州

府上高縣知縣張淮 瑞州府高安縣知縣應恩 吉

安府永新縣知縣柯相 南康府建昌縣知縣方澤

南昌府靖安縣知縣萬士賢

守把截殺

廣信府鉛山縣知縣杜民表 廣信府永豐縣知縣譚

縉 瑞州府同知楊臣 瑞州府新昌知縣王廷 饒

州府安仁知縣楊林 廣信府通判俞良貴 廣信府

通判安節 廣信府推官嚴鎧 臨江府同知奚鉞

臨江府通判張郁 廣信府同知桂鏊 瑞州府推官

金鼎 贛州府贛縣知縣朱瑒 贛州衛正千戶劉鏜  
 贛州衛正千戶楊基 廣信守禦千戶所千戶秦遜  
 永新縣儒學訓導艾珪 瑞州府高安縣丞盧孔光  
 饒州府餘干縣縣丞梅霖 南昌府靖安縣縣丞彭齡  
 吉安府萬安縣縣丞李通 南昌府武寧縣縣丞張翹  
 贛州府興國縣主簿于旺 瑞州府高安縣主簿胡鑑  
 饒州府餘干縣龍津驛驛丞孫天裕 南昌府南昌縣  
 市汊驛驛丞陳文瑞 吉水府吉水縣致仕縣丞龍光  
 贛州府贛縣聽選官雷濟 南昌府豐城縣省祭官文

棟材 贛州府贛縣義官蕭庚 南安府上猶縣義官

尹志節

一 協謀討賊鄉官十二員

致仕都御史王懋中 養病 可編修鄒守益 丁憂  
 御史張鰲山 養病郎中曾直 養病評事羅僑 調  
 用僉事劉藍 致仕按察使劉遜 致仕叅政黃鏞  
 閒住知府劉昭 依親進士郭持平 叅謀驛丞王思  
 叅謀驛丞李中

一 戴罪殺賊官一十七員

九江兵備副使曹雷 九江府知府汪穎 九江府德  
 化縣知縣何士鳳 九江府彭澤縣知縣潘琨 九江  
 府湖口縣知縣章玄梅 南康府同知陳霖 南康府  
 同知張祿 南康府通判蔡讓 南康府通判俞椿  
 南康府推官王詔 南康府星子縣主簿楊永祿 南  
 康府星子縣典史葉昌 南昌府知府鄭獻 南昌府  
 同知何繼周 南昌府通判張元澄 南昌府南昌縣  
 知縣陳大道 南昌府新建縣知縣鄭公奇  
 提調各哨官軍兵快人等除分布把守外臨陣共一萬

四千二百四十二員名

一擒斬首從賊人賊級并俘獲宮人賊屬奪回被脅被虜  
 招撫畏服官民男婦等項共一萬一千五百九十六名  
 顆口

生擒六千二百七十九名首賊一百零四名從賊六千  
 一百七十五名內審放一千一百九十二名斬獲賊級  
 四千四百五十九顆  
 俘獲宮人四十三名 賊屬男婦二百三十八名口  
 奪回被脅被虜官民人等三百八十四員名口

招撫畏服投首一百九十三位名

一奪獲 誥命符驗并各衙門印信關防金銀首飾贓仗等物

誥命一道

符驗一道 印信關防一百零六顆 金并首飾六百

二十三兩一錢二分 銀首飾器皿八萬三千八百九

十七兩一錢五分八釐五毫 贓仗一千八百九十件

器械一千一百九十九件 牛三十頭 馬一百零九

疋 驢二十三頭 鹿三隻

一追獲金璽二顆 金冊二副

一燒燬賊船七百四十三隻

一陣亡兵六十八名

128570

五

先

五



